

92-боб. Юзга урмаслик



11:07 / 27.07.2020 3296

174. Абу Хурайрадан ривоят қилинади:

«Набий соллаллоҳу алайҳи васаллам: «Бирортангиз ходимини урадиган бўлса, юзига уришдан четлансин», дедилар».

Шарҳ: Аслида Исломда инсонни уриш ҳақида тавсия йўқ. Бироқ жуда катта беодоблик қилиб юборган ходимни уришга тўғри келиб қолиши мумкин. Ана ўшанда ҳам унинг юзига урмаслик керак экан.

175. Жобирдан ривоят қилинади:

«Набий соллаллоҳу алайҳи васаллам тумшуғига тамға босилган ҳайвоннинг олдидан ўтдилар. Шунда Набий соллаллоҳу алайҳи васаллам:

«Ким мана шу ишни қилган бўлса, Аллоҳ уни лаънатласин. Ҳеч ким юзга бундай тамға босмасин ва юзга урмасин», дедилар».

Шарҳ: Демак, Исломда нафақат инсон, ҳатто ҳайвоннинг ҳам юзига тамға босиш мумкин эмас экан. Ҳайвонларнинг юзига тамға босиш, бурнини кесиш ва бошқа шу каби ишлар Аллоҳ таолонинг лаънатига сабаб бўладиган амаллардандир.

«Одоблар хазинаси» китобидан